



65372

沅湘通藝錄卷四

掌故

賜進士出身五品銜翰林院編修

國史館協修提督湖南學政江標編校

知創不如巧述論

劉善涵

格致之學在中國爲治平之始基在西國爲富強之先導古聖人興物以前民用知者創巧者述形上形下一以貫之自周禮冬官一書既佚而操藝者師心自用擅其薄長以夸耀於世而世之學士大夫又鄙工藝爲賤業而寔事求是之學益不明於天下間嘗攷之中國上古之世神聖迭興制作倅於天地其間造耒耜造舟車造弧矢常鴻濛初闢而忽有此文明光啟之日其創物也不可謂不知矣今則海禁旣弛風氣大開泰西各國挾其器數之學航海來華百十年間而耳

沅湘通藝錄卷四

掌故

日心思爲之一變是故耒耜也易爲機捩弧矢也易爲槍礮水陸舟車也易爲汽輪之周轉合地球九萬之遙聚於中國此古今之創聞天地之變局而天之啟中國強中國欲使中國崇尚新法所恃爲生死肉骨之具者亦卽寓於此夫因其勢而利導之謂之善治西人因中國聖人之制作殫其智力遂以冠絕地球間嘗攷其大凡以火化水使積力而生動者曰汽學卽蒸釜酒龍之製也剖判物質各殊其劑以程材者謂之化學卽冶人卅人之業也他如周偃師能使傀儡歌舞墨翟公輸能駕木鳶以飛其巧思皆出西人之上烏乎中國不自述其先制而西人述之致使數千年古聖之絕學潛流異域而不及知而一二倣仿新法者反以用夷變夏訾之抑

何不思之甚也難之者曰西人以工立國故所重在工藝中國則崇禮義立誠信國體既殊卽勉思效法未有不虞卻步者不思及時而學尙虞不能企及豈有不學而自能企及之理魏默深之言曰師夷之長技以制夷左文襄曰人既巧我不能安於拙人既有我不能倣以無此洋務扼要之言後世經濟家所當奉爲圭臬者若恍他人我先而不欲自曝其短是猶諱疾而忌醫其不痿繼之者庸有幸乎然則述之道當如何曰開民厥興藝學而歸本於寔事求是誠使於西國各種有用之機器潛心攷習優游漸漬以開擴其見聞闡發其智慧務使心力畢赴技臻嫻習而後止由是萌芽長成觀感則效不難駕古人而上之語云青出於藍而勝於藍冰凝於水而寒於水巫臣教吳而服楚武靈變服以滅胡相師者未必不相勝也是在好學深思心知其意者之善述而已

沅湘通藝錄卷四

掌故

二

合斷自出之弊器皆於資爲之而高內開覽其泉開關發  
高敏河曰開因源與建學而識本於寔事求是始與外西國  
立於藉突而思習其不憂繼之者風自幸乎然則述之文前  
論詩家規管亦爲圭臬者其於外人非決而小爲自矜其取  
不類於外師人詞其其不類於外師其其不類於外師其其  
聖賢經籍之言曰師夷之長技以制夷左文襄曰人既巧我  
不能安於拙人既有我不能倣以無此洋務扼要之言後世  
經濟家所當奉爲圭臬者若恍他人我先而不欲自曝其短  
是猶諱疾而忌醫其不痿繼之者庸有幸乎然則述之道當  
如何曰開民厥興藝學而歸本於寔事求是誠使於西國各  
種有用之機器潛心攷習優游漸漬以開擴其見聞闡發其  
智慧務使心力畢赴技臻嫻習而後止由是萌芽長成觀感  
則效不難駕古人而上之語云青出於藍而勝於藍冰凝於  
水而寒於水巫臣教吳而服楚武靈變服以滅胡相師者未  
必不相勝也是在好學深思心知其意者之善述而已

知創不如巧述論

甯鄉 唐光晉

天下事莫難於創莫易於述今泰西各國製造精巧人皆駭爲神奇以爲其心思材力非中國之人所及也豈知其所以精巧者非由於創而由於述乎試以汽機而論希臘人希羅初創蒸汽機而未知其用明末之際法人高斯順治初英人吳斯德侯始明其用法至康熙季年塞江利繼之其後牛國民以蒸汽轉輪矣瓦德補其未備而火輪機軸器具乃全矣以汽機代紡始於阿克來以汽機代織始於德克來乃今之蒸機火機無器不備徧行於五大洲矣乾隆六十年塞明頓創爲火輪舟其初未甚以爲利也至嘉慶十年富拉頓造成而行海甚便矣德微的因火舟之法創爲火輪車至道光七年斯提父子造成而陸行甚便矣無所創於前後人固無由而述然非述者之巧又安能新式日出自致富強哉且西人之法多本於中國蒙古時有指南車飛車其制不傳若今之火輪舟車實本唐一行水激銅輪自轉之法而加以火蒸氣運耳他如火礮創於中國元末日爾曼人倣爲之其後元駙馬帖木兒威行西域歐洲人有從軍者攜火器歸講求練習盡得其妙因變法爲鳥槍至今而後門新式靈捷異常假令當時中國之士因其法而講習益精庸詎知不出西人之上乎乃中國古時智巧之士多所創造而其法不傳西人傳其法而反駕乎其上也豈中國愚而西人獨智哉蓋中國每尊古而薄今視古人爲萬不可及往往墨守成法而不知變

通西人喜新而厭故視學問爲後來居上往往求勝於前人而務求實際此西人之勝於中國不由於創而由於述也今中國誠有知創之人足以制勝豈非甚幸第我所能及不獨不能出彼之範圍且竭力爲之已皆瞠乎其後矣惟卽其法而闢發精微不畱餘蘊然後引伸觸類而旁通之斯我之一切制造亦可日新月異而歲不同矣又何西人之不可及哉審若是是西人倡於前而不免於勞中國起於後而尙見爲逸也故曰知創不如巧述也

沅湘通藝錄卷四

掌故

四

...

...

...

...

...

...

...

...

知創不如巧述論

瀾陽 涂儒鬻

六卿分職工屬冬官冬官亡而攷工僅存崖略千百年學士大夫視爲技藝之末鮮克究心以迄於今且成絕學自海上通商西人麇至日以製造之奇傲我月新日盛無美不臻見者咋爲神奇自歎弗及不知西人諸學各有源流今之新奇百出者西人莫不各有所因而精益求精前人之所創後人述焉而有過之無不及者非古人之知不如今人之巧創之與因其難易之勢固然也昔者聖人作爲網罟耒耜衣裳舟車宮室書契當時見爲未有數千年來踵事增華已非古法今且視爲日用之常矣今夫西人之菽學大興於近百有餘年夫人而知之矣乃試爲沿流而討其源當中國諸聖創造之始歐洲之羅馬希臘非洲之埃及各邦文治彬彬已稱極盛各種學術爰肇厥端迨夫歐東諸國衰而學術混沒焉人民蠢陋及歐之西北各國起而格致日精菽學日盛向之喁喁于手役於東土者今且冠乎五洲之上噫嘻菽雖小道及其精也且以強國試爲考其源流如大利司以摩擦琥珀熱氣倍電學當西人紀元前二千四百餘年希臘已有是法而未廣其傳及一千五百九十年西土白荷得考知土耳其末尼石與石煤中有靈性能顯電氣者多端至六百三十二年格致家悟電學之理八百四十六年始爲電綫以傳書迄今數十年間地球之上密如蛛絲五洲之遙有若面語則大利司所不及料也機器之學起於埃及德邁荷之吸水機器在紀

元前一千五百餘年也及紀元一千七百六十九年法人喀諾忒用以行車矣厥後白來禽仿而大之英人突來肥皂克始製鐵軌英人馬來作臥鍋爲行氣筒美人鮑溫爲入輪車行平地兼用齒輪二以行山孩得利又因突氏之法而擴其制以槓桿連曲拐齒四輪而行司梯文生繼之加密焉卡林威又加密焉南佛爾又作小鍋爐之法體小而火切面多氣力大因作穿心管焉製益備矣此外若白來次惠忒意來格生海克倭次敖音阿特武士巴達武之流莫不隨時修改精益求精著名機師未易悉數前後數十年合眾人之心思共求一車之良而後已若夫輪船之製始於英人成於法人厥後英人迷羅耳代露耳塞得明合造一船而制大備美人富羅敦繼之而考求益精蓋經始於一千七百三十餘年至一千八百三十餘年英船始出大西洋至美國嗣是爲鐵艦爲快船爲水雷船匪特輪船行而夾板廢剝木剝木逸矣古風而又爲海防之利器焉在昔聖人創始之日又豈料其愈出愈新之至於此也夫西人之學實事求是往往祖孫父子世守一業及其成也家罄於財身食其利無他堅忍而已矣故所惡於西人者非其器械機巧之非也其立國之道非也使西人正其倫理不以異教惑愚民則邦交永固而通商之利必益廣矣或者不察並器械而非之慕之者又震於虛論而不考其實效是名爲學西法而不得西法之要領也況夫西人諸學多原出中國見於古子之書不一而足西人得之遂





國家之富強奚自乎自乎一二人之心之所嚮而已民之生庸弱者戢戢皆是也有一二賢且智者則眾人君之而受命焉尤智者所君尤眾焉此一二人者之心向義則眾人與之赴義一二人者之心向利則眾人與之赴利眾人所趨勢之所歸時之所迫雖有大力莫之敢逆孟子曰雖有智慧不如乘勢雖有鐵基不期待時易窮則變變則通通則久故易有所謂不易者聖之經也體也有所謂變易者聖之權也用也無體何以立無用何以行無經何以安常無權何以應變數十年來萬國通商中外汲汲然言維新言守舊或是古而非今或舍本而逐末求其洞見本原深明大略者幾人哉竊嘗流覽泰西新史諸書考其風俗利病得失盛衰之由乃知其治亂之源富強之本有舍舊而新是圖者興學校廣書院重技藝別考課使人盡其才講農學利水道化瘠土爲良田使地盡其利造鐵路設電線薄稅斂保商務使物暢其流凡司其事者必素精其業爲文官者必出自仕學院爲武官者必出自武學堂有升遷而無更調各擅所長名副其實善夫張靖達公云西人立國具有本末雖禮樂教化遠遜中華然其馴致富強亦具有體用育才於學堂論政於議院君民一體上下同心務實而戒虛謀定而後動此其體也輪船火礮洋槍水雷鐵路電線此其用也中國遺其體而求其用是謂效彼之長已居於後然使並無此器更何足恃則求亦不容不

急矣雖然新法所在仿行而求效無容過速泰西之謀國也  
締造經營擲金錢於無用之地者不知幾何一旦開土拓疆  
始收效於數千百年之後中土士人於事淺嘗輒棄子之甚  
吝而期之甚賒見卵而求時夜見彈而求鴉炙無怪其業止  
於半途功虧於一篲也夫水非石之鑽繩非木之鋸然而斷  
穴者積漸然也故惟日積月累乃能日新月異耳譬諸前製  
之械未精而後製者必可漸精若因一械之未精而卽謂此  
械之無用則雖日言富強而富強終不可得而至精衛填海  
未必一石而海卽成田愚公移山未必半鋤而山卽改道效  
之遲速顧可計乎哉天下大變之來方如烈火燎原燬室家  
弊人畜在須臾之際而一二老師宿儒反叱水龍各機器爲

沅湘通藝錄卷四

掌故

九

奇技淫巧方且齋戒沐浴磬折俯伏欲以至誠感格上蒼使  
之反風而自滅抑或擊里鼓召胥徒禮井泉分長幼持杯勺  
而灌之心非不誠法非不古而財物之燼於火人命之弊於  
火者已不可救藥矣禦今日之外侮求目前之富強而仍欲  
以昔日之法守者何以異此然機以謀而定事以斷而成俄  
之彼得倭之明治力求新法其昭著也夫時至今日時文之  
愚無論矣乃因取時文而西學亦僞綠營之懦無論矣乃因  
養綠營而練勇亦濫仍此不圖何以自強又何以自富有士  
大夫之責者得斯論而存之則將惴惴乎謹其心之所嚮恐  
一不當而壞風俗而賊人才而積弱遂以不振循是爲之數  
十年之後萬一有收其效者乎非所逆睹已

春而夏夏而秋秋而冬天地無不變之時也忠而質質而文帝王無不變之法也非厭故喜新好爲遷移於其間時之所至勢之所迫理之所居必如是而後可也今之議者動以孟子率由舊章爲言不知一時一變者法也萬世不變者所以行法之意也孟子雖曰遵法豈拘拘於法耶亦所以行法之意也易曰損益盈虛與時偕宜又曰窮則變變則通夫哉聖言萬世可思也中國之弱也非弱於人之少也非弱於地之狹也非弱於物產之不豐也弱於自私自大自是自封之見也卽間有審時識勢之一二大臣流涕痛哭侃侃陳詞而物議沸騰萬喙交集志在效忠身爲謗府良法美意恆阻弗行

沅湘通藝錄卷四 學政

十一

嗚乎亦可傷已且夫居今日而言變法其利害之所在固昭然若揭不待知者而知也請約略言之以破萬眾之惑學校選舉之徒以帖括錮天下人之聰明也以視取財於格致諸學之有濟於實用而人材蒸蔚其利害何如也鄙工藝商賈爲不足爲而坐置其民於顛連困苦中也以視舉國家之全力於工商之中而國由之富而兵由之強其利害何如也君民上下痞隔弗通而萬弊叢出也以視議院時開報館林立小民之顛苦政治之得失悉皆上聞其利害又何如也推之金銀委地何如開採鼓鑄之足以裕國而養民也驛站遞延何如輪車鐵路之飄忽迅速脈絡貫通也拘守刑律中重外輕何如歸於畫一者之弗至偏枯也內地釐卡暮布星羅海

關稅則出入殊例何如略爲變通者之足以挽利源而塞漏  
卮也總之利害顯然非一言可盡操柄者而顧可弗深長思  
乎或有相難者謂先王之道至善至美奚用變爲不知先王  
之法之果不可變也則周禮不至貽誤後世矣或謂用夏變  
夷未聞用夷變夏不知但論是非不論夷夏也不然孔子胡  
爲問官於郟子耶況其法之皆由中出也或謂中國尊仁義  
外洋重貨利今舍仁義而趨貨利傷風敗俗莫此爲甚不知  
有恆產而後有恆心足食足兵仰事俯畜聖賢曷嘗不言利  
耶興利之源正所以救好利之弊也或謂中國於輪船鐵政  
纜絲諸事逐漸行之而卒未得力者其故何也不知此非法  
之弊行法之人之弊也因人病法奚啻因噎廢食哉或謂聖

人舉事必順輿情熙穰竊竊爲之奈何不知人情之習於便  
安也舉動之易於驚駭也小民之可與樂成而難與圖始也  
英法諸國之變舊章而行新法也其國人有腹誣者矣有巷  
議者矣有詣議院而力爭者矣卒之其始也阻之其繼也便  
之此其故不大可思耶況夫日下河山法難再敝者今日之  
時也強鄰窺伺急於然眉者今日之勢也因勢利導事半功  
倍此又今日可變之理也趙宋之天下以變而亂今日之天  
下以弗變而衰皆昧時勢與理者也君子曰謂舊可守請觀  
之印度緬甸諸邦謂新不可圖請觀之英俄諸國謂中不宜  
茲西請觀之鴨綠江之戰而學生獨著其功

孟子言三寶爲當今治國要務說

劉陽唐才常

孟子謂諸侯之寶土地人民政事乃渾括周官之精意以言其條目則散在六官使後世循序求之自可收富強之策但自秦漢訖今孔孟眞源銷亡歇寂三者幾任其自爲消長而莫爲之所若之何不窺且盡也世之蟻穴自封者曰吾土地人民政事無一非吾中國古來神聖之遺何必鯁鯁爲變法計不知三者如故所以治此三者之法蕩焉無存反使海外諸國裒合古人精意者只彙而我支那四百餘兆之生靈將有一旦縋鞬奴隸之憂素王墜地日月重靈此有心人所爲痛哭流涕者哉西人言中國數十年來有三大失西北與俄毗連之地勘界時茫無把握致失地數千里而不知前四十

沅湘通藝錄卷四

掌故

三

年卽有人民四百兆以西法核之今當多至六百餘兆今仍止四百餘兆則此外百餘兆之民不知消歸何地至每年通商利權全爲外人所持則失財尙難以億萬計中國有此三大失猶夢夢守秦漢以來愚民錮習不思參西法以隳周官譬彼舟流不知所屆竊恐吾土地人民政事之俱爲各國扼其吭絕其髓而猶龐然以軀殼之存自謂不危也西人之治土地者以墾荒開礦爲大綱而又有測算以覈其實動植以廣其利則其國無廢地若英之經營印度澳大利亞及南洋羣島非州隙地尤皇皇焉其治民則士農工商無分男女各立學堂以課其成卽至瘠曠跛躄悉予以自存之途則其國無閒民其政事或君主或民主大抵上下相維官民一體凡

學校兵制商務之日起有功者類無不出其愛力公心以相  
護持則其國無私政無他保其地斯保其國保其民斯保其  
種保其政斯保其教耳至其機牙百出縱橫五洲莫可端倪  
又有公法以維繫之雖微至瑞士比利時等國尙可修其國  
與種與教峙於鷹瞵虎視之秋然則我中國可以惺然矣於  
土地則墾荒治河開礦宜設農務河務礦務各大臣總其成  
擇其可用機器者用之以省人力而開地產其邊境緊連英  
俄法日之處亟宜設險屯田鍊兵治道爲固吾疆圍之計而  
界務尤所宜明於人民則今春日報所述原強數篇曰急自  
存遺宜種者皆切實可行之事總當如泰西講求教養諸政  
而吾民庶免爲印度之續英俄之俟於政事則練兵通商宜  
以英德爲法而汰綠營廢漕運創銀行行國債修鐵路設民  
廠立郵政廣商輪及凡織造槍械百端並舉乃能抵制於無  
形又必斟酌中西而設律科力昭信義而列公法毋徒夜郎  
自大孤立五洲之間要之必先廢時文帖括之業廢立天文  
算學武備輿地格致諸科以奔走天下士民智乃能驟開人  
才乃能崛起國權乃能抵距而不蹈北洋前此有名無實之  
弊嗚呼此球時之良法保國保教保種之苦心克符孟子三  
寶之旨者也不然土地廣矣無鐵路以通其血脈礦學以擷  
其精華必成麻木不仁之病人民衆矣男困於鴉片女困於  
纏足四民無一可存之業必淪黃種於紅毛土番不已政事  
繇矣文武分途官商隔絕賄賂公行萬事情竄其效儻焉不

可終日奈之何不鑒土耳其波斯之孱弱而忘日本自強之  
速也嗚呼唏矣

沅湘通藝錄卷四

掌故

論自來改政之不易

沉陵 李玉如

夫天下之所爭者勢也勢之所繫者政也立政之始莫不度勢之強弱以相維持故有爲古所緩而今所急者有古以利而今以爲弊者此三代因革損益之政皆視乎勢之可否而行也然當世變旣異緩急之勢亦殊有明知其利病之繇而不能改者以爲守成易慮始難耳蓋揖讓之變而爲征誅君主之變而爲民主中西遞嬗之局隨時而異故嬴秦之更行郡縣羅馬之并合諸國不得謂非計也人徒知二世之亡而不知商鞅李斯之殘鷲人徒知五帝之旤而不知涅槃華之雄圖故後人雖處衰弱之時往往不能振興墨守成規非唐虞夏商周之時而欲行唐虞夏商周之政難矣上古之政以治民浸假而在諸侯浸假而在藩鎮浸假而治在夷狄雖聖人繼起未有不以制宜爲要也卽泰西之政始由野蠻繼興於耶穌及英亞弗勒法沙立曼諸明主代興而後制度粲然然當時拘泥教法之士猶因循不能改也及明以來西葡英法講求日精而諸國政治不及百年頓改舊觀蓋亦勢之所關有不得不變者雖諸國之君不能阻諸國之民不能撓之也然俄王彼德之仿行製造也誅蘇非之黨而後定普正威廉第一之更新制度也賴畢士馬克之贊而後成此亦見復古匪難而變古爲難矣中國之弊不出於因循則出於激切往往知事之利而謬稱其弊以爲難至有坐受其害而不卹者試思弧矢舟車之利不足以敵夷人也攷工制器之精不



足以勝夷技也商政礦務之未盛也格致化學之未行也設官而自私其官立法而自亂其法至於上下文困雖欲禁制之而不能是亦惑之甚者也夫政者相時之用可用則用之不可則去之耳若趙武靈王之教騎射秦始皇之變法令宋神宗之行新法未久而即敗故遇更始之時每多傍皇不決畏既敗之及身而不敢授其變是以拿破侖第三復民主之政而議院遂有四黨之爭亞勒山德執君主之權而尼希利斯遂有黨會之變故事有中於民情之變而敗者有狃於民情之常而敗者自三代以下有國者莫不繇是矣

前之常而類後自之外以不食國香莫不稱其足

想蓋其會之變故事有中於民情之變而敗者有狃於民情

之常而類後自之外以不食國香莫不稱其足

想蓋其會之變故事有中於民情之變而敗者有狃於民情

之常而類後自之外以不食國香莫不稱其足

想蓋其會之變故事有中於民情之變而敗者有狃於民情

之常而類後自之外以不食國香莫不稱其足

想蓋其會之變故事有中於民情之變而敗者有狃於民情

之常而類後自之外以不食國香莫不稱其足

釋爭

湘州

何盛林

上古之世睢睢盱盱此疆彼界民至老死不相往來故其時  
民志和睦無爭之心民氣獠狃無爭之象嗜欲未開無爭之  
事器械未製無爭之具今則風氣漸開巧詐相啗天下遂爲  
一大爭局矣明黨之說興而朝廷有爭門戶之風熾而學校  
有爭壟斷之夫出而市井有爭朝廷之爭爭在權學校之爭  
爭在名市井之爭爭在利心日巧智日詐氣日驕攘攘寰宇  
迄晝餐夕寢而罔知休止又況爭地爭城日相尋干戈之間  
始以弓矢膏血尙未徧中原也今則飛礮以殺人矣始以戰  
爭攻取尙須遲時日也今則火車火船以爭速矣始則藩籬  
尙固海禁未開中華之內盜賊蠭起不數年而旋歸撲滅今

沅湘通藝錄卷四

掌故

十七

則地球九萬里如出戶庭俄踞於北英強於西海上諸大國  
虎視眈眈者且環相伺也稍有違言則玉帛干戈兩窮於肆  
應約聯與國大啟其狡謀俄而割地矣俄而償費矣兵連禍  
結迄無已時故賊可滅夷不可滅也一夷滅百夷不俱滅也  
一夷滅代以一夷仍不滅也一夷爲一夷所滅而一夷彌強  
不如不滅也況中華爲地球一大國原濕沃衍民物豐阜固  
宜百國所垂涎而易開爭端然而目前必無事者則以英俄  
德法四國地醜德齊外睦內猜互相箝制而莫敢先發也然  
而莫可長恃也當今之世欲反古之道愚其民混其心以息  
爭風勢必不能是惟隆文治修武備興商務自強而有力則  
我有以待之矧一自強而即可弭之使無事也自強而無事

則生靈之福也爭云乎哉

沅湘通藝錄卷四

掌故

十一

論今日交涉之難

武陵戴丹誠

自海禁大開番舶踵至傳教通商交涉日繁卒未有辦理盡善能平華民之心而去他族之脅者也夫今日五洲各國之勢亦一大春秋也強陵弱眾暴寡之時有不周知情法洞悉利弊俾外夷生心強鄰四起而欲免於危殆安可得哉中國自道咸以來邊釁數開藩屬悉失割地賠款之事日出不窮而交涉之最煩者傳教通商二大端而已然通商之事利於外未嘗不利於中西教之來出於彼未嘗非招自我何也中國如自開利源而漏卮自塞中國如善加教養而異端自無隙可乘中國如力圖富強而外洋之要挾自息乃委靡至今長縮不進有似積重而難反者然則辦理交涉之事竟無善

沅湘通藝錄卷四

掌故

九

法可圖耶曰處交涉之法非特開中西律例之館諸習屢次之約章與萬國之公法不可也夫五洲素不相聞問之人聚居一地言語不通服制各異律法互歧滋生事端甚易也就律法而論如中國之重罪有斬輕罪有杖笞而西國無也西例有罰作苦工聽訟有公堂費責曲者定繳而中國無也蓋耶穌立教之旨以體天好生爲心故往往有殺人斃命不致抵償者西人亦知其與中法大相懸絕故自設領事以治其旅居之民視中國爲不足與公法而列爲平等者而中人不

知也每有中西案件中官執中法以相繩西員執西例以相爭既致齟齬難合西人輒以恫喝之辭威逼迫脅棄約章而不守置公法而不顧而華人忌聞兵釁苟且遷就使士民皆

抑鬱不伸益相水火情勢然也推原其故非由律例之未明條約之未諳與公法之未講哉況內地傳教之禁既弛而無賴莠民每藉爲逋逃藪地方官未悉情法不能執理相辨而西人開疆拓地多藉傳教之力故教師無不庇其教民領事無不庇其教師公使無不庇其領事者偶有不合卽以大言相脅激成事變而索款開埠之端又生西人之狡不可言喻而地方官辦理之未善又安得辭其咎乎且不獨此也中國商貨出入稅則自有常經乃與泰西通商以來定以值百抽五稅反輕於土貨而外國於華貨進口稅務從其重華人商於西國地稅之外兼有身稅洋人之在華北突西奔絕無所費南洋華民不下四百萬悉遭他族虐政僅新嘉坡設一領

事而薛叔耘添設領事之議卒未施行此皆事之大可憾者也他如兩船碰撞在洋船則必償巨款在華船則謂不諳趨避甚有馬車碰撞傷華人反謂不知讓道取禍種種無理之事皆西律之所必禁公法之所不容乃華官竟不能執理相爭任人舞弄聽其飾辭以相解者非由中西刑政之不同而彼因轉得趨避以取巧哉嗚呼時至今日欲閉關而治不可也欲教之爲一亦不可也蓋氣機所開雖天地無可如何以地球五洲之國互相往來而欲以區區中國塞之能乎否乎如知其不能也可不合中西之法而變通之師人之長去己之短使西人之不我欺而後已乎夫東洋日本昔爲小國耳自

明治維新後痛革積氣變更刑章仿行西例近年與西人立

約首去其領事治西旅人之權竟得與公法而列爲平等乃中國反不如焉可恥孰甚夫中國講求洋務數十年矣然終無成效可觀者豈惟庸才誤國者尸之士大夫之議論嗷嗷亦與有咎焉夫疑者敗之媒需者事之賊以隱忍而貽君父之憂以姑待媚虛懦之眾此有志之士所以傷心也今欲翻然改圖可不於律例公法條約之中諳習講求以爲中外交涉之本哉

沉湘通藝錄卷四

掌故

三

此圖百不餘駭聞公出諭諭之中前請精求以爲中外交涉之本哉

此圖百不餘駭聞公出諭諭之中前請精求以爲中外交涉之本哉

治交涉宜講求春秋朝聘會同之義論

禮州周傳德

古今華夷之界自洪水而一分至春秋而一合春秋之時吳楚淪爲蠻夷利耜長距恆有鞭笞中原席卷上國之志惟晉拒之於東秦拒之於西力制其狡焉思逞之心以爲中國屏蔽其餘七十小國之奔走戒行出入虎口而尚各保其土地者則以朝聘會同之得其人左右調停而事機之未決裂也當是時出使之臣大都權奇博足之士通古今曉風俗周知列邦政教之隆替民情之向背國勢之盛衰故能決事變維和局伸國權而措宗社於磐石之安然則春秋誠後世各國交涉之始祖哉今之不諳交涉者動曰我中國也彼外夷也宜亢不宜卑宜戰不宜和彼固以爲一統坐鎮之天下而不

沅湘通藝錄卷四

掌故

三

知實列邦交涉之天下其視海洋各國不啻潢池之盜伏莽之戎且嘖嘖以南宋和局之誤爲例妄肆詆譏以張其不識時務之喙卽如近日中倭之役大開釁端設有觀變沈幾諳練公法之人出而排解固我邦交則亞洲之大局可以維持何至割我臺灣奪我口岸據我遼陽削我東藩索我以必不能償之費要我以必不可從之條則使我太息歎歎而歎春秋之人材爲不可及也夫當今朝聘會同所亟宜講者有二一曰持公法萬國公法利益均沾地球諸國各有附庸不得借名保護而薦食其疆土也兩國交爭各守局外不得借言觀戰而私濟其器械也兩國匪徒天下同惡不得私納匪徒而遁逃成藪也兵船進口各有限制不得漫恃和好而深入

內地也租界商民已有保護不得增設團操而隱伏奸謀也  
兩國商民一體優恤不得故爲苛虐而獨頒新令也公使領  
事本國分派不得不俟照覆而任意住紮也通商稅則確守  
約章不得私圖便宜而妄事增減也凡此公法萬國均行中  
國則名列公法而實受其欺愚壇坫無才竟至此乎設有如  
春秋子產子羽其人與之反復力爭則公法之行中國未嘗  
不均沾其益也一日憤公使公使之任重如將相中西全局  
實繫乎斯道咸以來各國皆有駐京公使凡中國之山川土  
宜國政民風彼皆纖悉訪求測量圖畫強弱虛實莫不周知  
此公使之所以益國也同治初年中國未有公使駐彼各國  
情形茫然莫知卽如同治九年辦理天津教案委曲調停惟

沅湘通藝錄卷四

掌故

三

恐一言拂意激成兵端大臣俯首聽其恫喝不知法國是時  
與德構兵國覆君俘危如朝露令是時設有公使電達情形  
彼方衰敗我自氣壯自可仗義詰責不受挾持乃中西隔絕  
窺無所聞聽其咆哮莫敢吐氣吁可憐也今中國非不有公  
使也言語不通聲氣不投日臥使署之中而不甯心時務僅  
將新聞報之要略譯出一觀其他西國之政令譯與不譯聽  
諸翻譯之勤惰身在西國而不能周知其情形何以爲朝廷  
耳目也至內外部之大臣議院之巨紳各國之公使除照例  
拜謁外未嘗傾心結納送抱推襟彼此之情格格不入方  
以爲養成重望不失天朝體統之尊一遇交涉事件不能反  
覆婉商折衝口舌勢必至齟齬把持故爲冰炭議論不合猜



嫌遂生則有公使誠不如無也若參贊隨員率以私情得之不問其人材之賢否衷情之明昧大吏薦託充當是行雖足跡已徧而問其所知則洋房之多寡街衢之寬潔風俗之同異言語之格架山川之里數器械之精利已耳至於政事之何以盛衰國勢之何以弱強商何以致富民何以趨公則仍暗中摸索漠然不知甚至有名駐外洋身居內地徒坐享巨萬之歲縉臥待三年之遷擢求如季札之歷聘上國子貢之名聞諸侯不可得矣西國則不然用必當人法無虛設英之得五印度也始設商埠漸肆鯨吞皆公使領事所爲非君相始念所及迨拓地漸廣機有可乘乃始臨以重兵不勞而定道咸中粵東禁煙啟釁義律以領事統兵船隨機應變越海

沉湘通藝錄卷四

掌故

十四

弄兵竟邀五口通商之大利領事如斯何論公使爲問中國之駐洋者能之乎誠能選老成諳練之吏膽識兼優之人駐彼都城篤全交誼一遇事變卽能不卑不亢區處得宜弭患無形銷兵未兆卽西人亦欽其威望推爲天朝重臣中外同心永無邊釁則公使之設勝於十萬甲兵矣曠覽地球大勢歐洲諸國終有蠶食亞洲之心和睦如中英且外好而內忌其他可知矣日本同處亞洲方興未艾終須與中國同心協力共拒歐人以維亞洲之大局甚未可因去歲起釁視同仇敵而自撤其屏藩也俄人氣餒方張駸駸乎有并吞亞洲之志今亞洲忽出一強國是俄人之所深忌而亞洲之大幸也設歐洲一國併吞中國日本卽有虜亡虞及之懼故日本之

必與中國聯結而望中國之發奮振興者理也亦勢也雖然  
歐洲之勢斷無各國坐視任一國併吞中國之理中國關繫  
五洲之全局無中國是無亞洲無亞洲將並無歐洲矣羣雄  
環伺各不相下未肯讓一國獨逐其鹿也中國苟能自強睦  
與國固邦交如春秋朝聘會同之例則不惟日本深相聯結  
歐洲諸國實利賴之若不知變通因循不振公使領事不擇  
人材歐洲羣雄並起瓜分之耳故以今日例春秋中國猶晉  
也俄猶秦也英猶楚也法德猶吳越也合地球九萬里而為  
會同朝聘之局固開關來衣冠玉帛之創見哉

沅湘通藝錄卷四

掌故

三

會同朝聘之風固開關來衣冠玉帛之創見哉  
志壯辭秦也英醇發也我朝曾吳越也合祖統武藩里節節  
人標過歷羣制並武瓜分之耳故以今日例春秋中國猶晉  
與國固邦交如春秋朝聘會同之例則不惟日本深相聯結  
歐洲諸國實利賴之若不知變通因循不振公使領事不擇  
人材歐洲羣雄並起瓜分之耳故以今日例春秋中國猶晉  
也俄猶秦也英猶楚也法德猶吳越也合地球九萬里而為  
會同朝聘之局固開關來衣冠玉帛之創見哉

古今和戰之誤皆害於使臣說

郴州陳爲鑑

自古戰爭之世未有不重使臣者也有使臣卽可以聯合邦交挈國內附旣可以和爲戰又可以戰爲和非是則和與戰兩不可言聽命於強國之手而國勢日弱昔者桓公信管仲之謀使公子開方游於衛季友游於魯蒙孫游於楚五年而諸侯附非諸侯自爲附也蓋公子開方諸人有以使其不能不和不能不附而齊國之勢又足以懾之耳此秦西所謂勢與理相輔而行而駐使與宰相並重也然則桓公九合諸侯不以兵車管仲之力亦卽公子開方諸人有以聯合之也近日遣使各邦論者以爲不急之務試讀大匡一篇而知其言之謬矣然常於使臣求異才除公子開方諸人而外則惟張

沅湘通藝錄卷四

學故

三

騫史稱騫忠信篤實胡人愛之及其沒也人皆稱博望侯以往其威名較貳師爲盛而世乃以招致外夷以敝中國非之比諸誤國今觀史所謂屯田置將者類皆數百人而是外國因貪中國財利已貧不能自振與今日通商時勢相同史言殆不足信自是而後惟陳湯之斬郅支傅介子之斬樓蘭皆能以一人而伸威異域求之近代殆無其人宋時金人之禍最烈而廟堂恥於言和使臣除王倫洪皓殆無足取此所以戰則不能和則不久終宋之世以底於亡也而其尤異者忠謬出師金人已弱乃因一敗遽爾乞和奉使之臣不察情僞聳動朝廷竟函忠謬之首以獻豈不愚哉近時泰西最重邦交各國皆駐使臣然利之所在患亦隨之如俄使駐波蘭已



西人開拓土地卽防守國本證

郴州 陳爲鑑

西人於權利二字最重辨認亦最清故欲保本國之權利必先奪彼國之權利其奪人權利厥有三法而用兵不與焉一在聯婚姻一在尋荒地一在廣商務此三者皆西人視爲開拓之良圖而政府視爲秘策者今試舉數事證之如開司的與阿來良本二國也連以婚姻而合一矣奧大利之於匈牙利亦二國也因贅婿而又合一矣其他如西班牙之於日耳曼蘇格蘭之於英吉利或至今已分或至今仍合然當其初則皆因婚姻而并之矣此其證一也西班牙貧國也及覓新洲於是得建大藩於卡拿打法人得之而英人又得之西班牙由是不振荷蘭經營南洋頗擅利權及英人因其助美利

沅湘通藝錄卷四

掌故

天

堅乃盡取其開拓之地而荷蘭亦貧由是言之本國所尋荒地不能自守而他人守之則本國且因之而受弱是尋地亦防守國本之要而北冰洋之尋探三十餘次有由來矣其證二也又若香港孤島也自英人以商關之而成重鎮西伯利亞寒疆也自俄以商關之而臻繁庶其餘如新舊金山新加坡皆諸國之棄壤乃諸國聚中國之民而工商之亦成巨埠只一國不能開拓土地而使其民代人開拓則其國本難防其證三也西人開拓土地以守國本不外此三策其有以亂黨橫行而使肆毒於外者則俄人行之而地啟巴東法人行之而師降葭士矣似未可以爲全策也

問近日俄兵入朝鮮幽國王殺大臣重改國政中日兩國將  
專來有何損益

李玉如

自中東戰事興而朝鮮立爲自主之國此亞洲之大變局也  
當倭人踞旅順攻威海俄遂調遣水師分泊黃海之間轉運  
軍餉悉駐海參崴之地識者知其將有事於東方矣故倭定  
鴨綠江之界而俄強以其地歸華恐礙彼陸運之利也倭操  
高麗政府之權而俄遂以其約屬已恐增彼強藩之伺也俄  
人之有志於東方必爭朝鮮矧乘中日之隙而坐獲漁人之  
利其稱兵入境幽殺刺行固意中之事耳日本以蕞爾三島  
債重民煩非惟不能以兵力爭並不敢與日舌爭者俄之患  
將自此始夫中失屏藩之固啟鄰封之謀吉林有齒寒之慮

沅湘通藝錄卷四

掌故

五

盛京有單外之虞非用天下全力以爭東北尙不足勝使其  
蹈瑕伺釁而興將何以自守者邪蓋俄之虎視鷹睥狡焉思  
逞各國咸知一旦捨西北而圖東方中日兩國必先受其蹙  
然則中國不能不急防維者俄嘗欲滅土耳其矣而英法諸  
國力爲保護卒不能更赫推夫明之約俄嘗私攻基發突而  
英以尼士坦爲紅溝之界卒不能易阿富汗南北之條設中  
國而謀自強莫如遠交近攻以審強弱之勢以制利害之權  
而後損益之機可定蓋日本致敗之道有三而中國自強之  
策有四昔俄舶入大坂入唐太不攻而潰舉國騷然使邊賴  
襄之言四面來攻或由釜山浦南先據對馬壹岐或自瑣春  
圖們江分攻靑森箱館一攻橫浦一攻下關則彼都之傾覆

即可預知蓋自失蝦蟆島之險而俄有建瓴之勢日都遂在其掌握中此必敗之勢也倭之爲國僅中華一二省之大而國債日增兵役甚寡信巴夏禮之間而毀盟從伊藤博文之言而敗約版圖不相連屬人民多已畔離此必敗之形也上年起釁其屈在彼殘虐之形甚於流寇西國咸非之然一得志便覺趾高氣揚諸國實忌之卽和款甚巨僅足以清宿債而籌軍餉况兵輪軍械十不當俄之一此必敗之理也然則足與俄敵者其惟中國乎羅刹之役則根特木爾請罪矣新疆之役則喀什噶爾安邊矣是故喻之以道有不戰而屈人之兵防患不如弭患知變不若知幾此固有自強之端焉一聯英國以爲聲援也近日與俄爲難者莫如英與中國最親

者莫如英英之富強以商務爲重商務之盛多在亞洲英之與俄爲難不憚傷財勞民實恐礙其大局耳故俄兵攻阿富汗英必以印度之師爭之俄艦出黑龍江英必以安島之師拒之倘從光緒十一年牽制之策聯英以防俄英縱不親中國之交獨不爲南洋羣島之計乎俄人一搖足英卽以水師塞黑龍江之口三姓甯古塔之兵繞攻烏蘇哩江之背朝鮮雖變動聲勢中斷此西國扼守君士但丁峽口俄終不能出黑海一步也一遣使以申公法也中西有隨時修改之約該公使等必多方要挾惟利是投是中國之利權何難自便崇公使許割新疆會襲侯索還伊犁得失之繇亦視委人之當否莫如遣才辨公使向外都申明和誼告以朝鮮應爲中國

保護並謂中國許俄收烏蘇哩江三千里之地俄獨不允中國保護朝鮮之權乎否則會商各國如柏靈之約永以朝鮮爲自主之國他國不得干預政事於仁川釜山元山三處外不得另建商埠營所如荷蘭立爲公地他國不得攻伐是則中國雖失朝鮮仍有外藩之可倚俄雖狡僮能干眾國之怒乎一簡戍兵以重邊防也俄自東封旣闢於海參崴立商場太平洋練水師黑龍江設船廠西伯利亞建鐵路思並朝鮮之心已略見矣數爭黑頂子欲扼偏險城之衝也私佔湖們布圖欲分綏芬口之要也俄人無處不伺隙中國無處不踣虛勿惑爲外人之所搏弄也然理春爲潮埔斯德之軸必以吉林黑龍爲之樞紐三姓甯古塔爲之鎖鑰無事則以屯墾

無煩徵調之勞一旦有事聲息易通此重兵之處宜增不宜減乃不至有甌脫之虞耳一練水師以駐重洋也朝鮮南垂海數百里攻人易自守難設俄以兵船梭巡於混同江中則黑龍江與吉林聲援隔絕而黑龍江必危又以兵船游行於松花江中則吉林與甯古塔聲援隔絕而甯古塔必危俄輪之出入二江皆有成例問中國能入黑龍江得以自便乎故外此則嫩江額爾古納河宜駐杉板船也以鐵甲船游行於太平洋黃海之間彼卽有事先攻永興灣次攻鹿島而水師之策應自靈矣四策之外則礮彈宜求堅利也礮煤宜卽擴充也鐵路宜速修行也學術宜自更新也故欲防將來之弊不得不竭天下之力以圖萬全之策是中國之便宜爲西國



所共有俄雖欲撓利權亦有不能者蓋大局所關諸國斷能聽之乎蒙謂中國苟自振興匪獨俄不足患無難策倭土而列版章是策也不在近效而在遠圖矣

沅湘通藝錄卷四

掌故

三

其詳見前中國書目總覽中關於此書之記載

其詳見前中國書目總覽中關於此書之記載

來有何損益

辰州府向學耿

嗚呼朝鮮者中國之保障所以扼俄羅斯之吭而足以制其死命者也自東學黨亂日本立朝鮮爲自主之國俄人益不得不急起以爭矣夫俄北界冰海西鄰瑞典南與新疆相錯壤距俄都較遠非必爭之地其蓄意經營數十年以圖一逞者則在東方也釁端一開乃公然肆其雄心此近日所以有入朝鮮幽國王殺大臣改朝政之事也論者謂朝鮮爲自主之國中國既不得過問其損益宜與中國無關然常按而論之以爲中國之有朝鮮猶韓魏之函谷也晉有其險終春秋七十年秦不得一快其意桃林失而秦遂不可制矣今之俄

沅湘通藝錄卷四

掌故

三

非昔之秦乎蓋其蓄意東向以爭衡而朝鮮實司其關鍵故不得不急起以爭也爭朝鮮實所以爭中國耳且夫俄自黑海海盟以來縱橫於中亞細亞以英法諸大國僅能牽制而不敢以一矢加一旦得志於朝鮮東三省固將淪爲異域卽內地恐亦蠶食及之矣彼時欲戰而索倫已無勁旅淮軍已不堪用湘勇已成暮氣欲守而險阻難恃用費不貲又況老成彫謝新進無人不及今以籌其損益尙何待乎或謂俄人之入朝鮮固日本所不願也日以百戰得之而俄以詭譎收之其不足服日人之心亦已明矣日人卽畏其橫強而局外各國必有羣起而議之者議之不已勢必瓜分其地而後快局外之心夫俄人陰鷲貪狼取勢在數十年之前始獲如願

以償而局外又乘其隙以取之俄又必不甘心然則委一已  
棄之朝鮮使泰西各國日相尋於干戈之中其事必非數年  
所得已而我反得及是時權其緩急輕重整與而力新之以  
從事其間亦未必有損而無益也雖然日本之破朝鮮也有  
謂俄人暗助以兵故中國當之輒靡其說雖未足信而試思  
日人以區區一隅與中國難苟無助焉勢必不決裂至此蓋  
俄之欲得者朝鮮日之垂涎者亦朝鮮耳因其所利而誘而  
讓之事成俄乘其後而收功事敗俄置其身於事外計亦諱  
矣哉然則俄人之入朝鮮謂中日兩國之皆有損而無益也  
可

沅湘通藝錄卷四

掌故

三

夫若器用射人之入樽... 類之事如射乘其對面... 類之俗射香... 日人... 願對人... 亦事其... 世... 亦... 亦... 亦...

歐洲諸國不許俄船出黑海論

補州 陳爲鑑

嗟夫俄人之經營亞細亞非其本意也蓋由諸國之禁其出黑海使然耳夫黑海者古大秦之地唐書所謂大秦居西海上。一曰海西國也。又曰在苦西北直突厥可薩部西瀕海有遲散城東南接波斯臣役小國數十以名通者曰澤散曰驢分今攷其地勢當在阿速以東是時大秦已分所謂大秦乃東羅馬而俄羅斯國無聞今攷諸俄史魯烈克建國於唐宣宗大中四年而昭宗天祐元年卽發兵船二千圍東羅馬都城察東羅馬都卽今土耳其京城君士但丁是俄爭君士但丁在唐時已然其後又滅可薩是俄卽與可薩相連之在苦近人以爲烏孫別族者非也宋太祖乾德四年王率舟師度

沉湘通藝錄卷四

掌故

三五

黑海東征百來加里克之則俄置舟師於黑海自唐迄宋已然亦非始於今日也及俄降元故土爲土耳其得其後自立仍臣服於磕磨雅未能與故土通也明嘉靖時征服裏海蒙古大中四年而昭宗天祐元年卽發兵船二千圍東羅馬都城朝康熙時得鐵門於波斯乃與土耳其爭黑海康熙三十四年始與土耳其約得瀕海地置船肆漸復故疆置舟師駁駁乎南向矣然是時俄無西顧之憂者因普奧常與俄合故常助俄以伐土再敗土師以四特江爲界其後三分波蘭歐西之境始大諸國由是忌之而波羅的海又爲歐洲門戶俄雖建都於彼得堡置舟師然如瑞典那威荷蘭諸國旣常護之而普魯斯又強國也與俄爲鄰俄人處此常患其逼諸國

處此又謂其強則其欲謀黑海者勢也亦情也故道光九年與土耳其立約聽俄船出入黑海俄如願以償矣乃咸豐三年又欲入土英法連兵拒之敗其師爲會於巴黎斯禁俄兵船不能出黑海而東方之事始亟然所謀者乃裏海以東蔥嶺以西諸回部欲由此以臨印度耳乃咸豐八年乘浣園之役竟割黑龍江海口而有之俄於是俯瞰東半球矣然猶未經營也自光緒三年俄伐土英人救之爲會伯靈昇俄以白東而自割黑海口之海島俄人憾英而東出之謀始切夫俄之得西伯利亞四百年矣自是始割海口建水師築鐵路置屯田俄非欲故緩之夫亦以形勢不及黑海且中國非戰爭之邦尚可置爲後圖耳乃黑海不得而謀印度印度不能驟得而法人已滅安南英人亦滅緬甸日人有謀高麗之心德人有經營南洋之說歐洲時勢皆向東趨急起而爭俄豈敢後此經營亞細亞之心不容己也然日雄峙其東俄人雖有水師尚須藉日本海道以出故爲俄計非取日本不可俄取日本英必救之法與俄親又必助俄是昔日引爲同盟以拒俄者今乃合俄以拒我也英其亦自危哉然俄爲患歐洲尚有諸強國以爲捍禦若爲患亞洲則中國日本皆不足以敵俄亞洲不守則歐洲並無關攔卽蘇一土河亞丁居路伯皆不足阻俄人進兵之路而白令海峽又可駕鐵橋以飛渡美洲則俄國屬地跨越三洲通連一氣而混一之勢成此皆黑海之盟有以使之也爲今之計似宜合美亞歐三洲連盟不



英人有公保二黨中國將來是否有此氣象說

郴州 何盛林

夫地之動也寒暑晝夜循環無端而天運剗其平國運亦然英之議院有公保二黨公黨者求新黨也保黨者守舊黨也其權勢視宰相爲消長而一進一退亦無畸輕畸重之虞法亦不可謂非良也然西人立國殫精竭慮專樂於相師而心安於合眾懼人材不足而國無與立也故求新法以誘勸學會懼利源爲人所奪而國以窮蹙也故求新法以振興工藝保護商業懼兵力稍弱一敗而不可振也故求新法製船械爭相駕尙而將必知學兵必識字自餘庶政罔不若是有黨之名無黨之實議一不協而宰相告退矣事一不公而輿論

沉湘通藝錄卷四

掌故

三六

沸騰矣中國則不然自秦迄明三十餘年法禁日密政教日夷權操自上非下之所敢問也同僚之際陽爲和恭陰爲排擠無黨之名有黨之實甚者唐之牛李傾軋爲事漢之黨錮宋之黨禁則又小人立名以陷君子作一網打盡之思吁可慨已方今邊患頻仍痛深創鉅正中國同志戮力舍舊求新之時然深詆西學者既滯於通今未能一啟其肩鑰過尊西學者又輕於蔑古不憚自決其藩籬蓋上下相蒙游於文網之中靜而不能動愚而不能智守數千年之法而不思變者迂也不自探其本而眩於西法標以西學之名督以西士之教舉聖人中國數千年之道術而棄若弁髦者妄也二者均有失焉爲持平之計則英人公保二黨中國皆宜有之特不

必如英之互為勝負耳濟之以和衷各泯其意見新法之宜  
變者保黨不得掣其肘舊章之宜守者公黨不得議其後由  
是開民間學會之禁欲與農學而農學有會欲興礦學而礦  
學有會欲興工藝而工藝有會欲興商務而商務有會欲整  
頓水陸車而兵學有會欲製新器廣新法而天地化算電光  
聲汽諸學有會分而為眾小黨合而為一大黨不黨之黨黨  
而不黨以培國脈以持國運用能富強甲於五洲文治軼於  
三古是在當事者之師其長補其偏而一新其氣象也易曰  
窮則變變則通通則久亦徐以俟之而已

沅湘通藝錄卷四

學故

三五



英國有公保二黨中國將來是否有此氣象說

一開黨人輩相詰詰曰吾黨不與公保

郴州

陳爲鑑之

英國之有公保二黨亦猶日本之有守舊維新兩黨皆視宰相爲轉移論者每謂伊藤相而日強沙力斯伯里相而英弱宜進公黨而退保黨焉此蓋以沙侯爲保黨之魁也然平心論之沙侯雖有造於俄而實能保英於歐亞兩州之權利故於緬甸一役則割擇地以酬中於坎巨提則請公立以全好其欲聯中也所以制俄也於朝鮮一役不與俄德法聯兵其不欲聯兵也免爲王國所制而獨擅其權也皆所以保大東之局面而使無變更者也故其近日政策不出兩端一在扼守埃及一在增練太平洋水師而其輔此二策者一爲英意

十一

沉湘通藝錄卷四

掌故

罕

聯盟一爲親和日本將來與俄人爭伯歐亞者必爲英國若德若法甘爲俄之羽翼或且終受俄害而賴英爭之以存然則所謂守舊者正如秦始因昭襄之遺加他鄰述彼得之志而已非跬步繩尺之謂也今中國泥古之儒自謂服古然究之所謂守舊者胥吏而已例案而已求其能守郡臺灣拓新疆之遠謨以鷹麟虎視於南洋印度者無有也其所謂崇新者亦但能條陳鐵路請購船械講述方言而已求其能知使命交馳之要知人謀國之方者又無有也是故二黨交譏於下百官唯諾於上宰相無所受成百姓無所聽命竊恐議院一開黨人諱訟而兵已造於城下矣欲求如今日英國之景象能乎竊謂今日二黨萌芽已露不如因其抵抗之力廣開



明季繆昌期之言曰公論者出於人心之自然而亦似有不得不然天子不能奪之公卿大夫卿大夫不能奪之愚夫愚婦者待之也虛見之也明竅於心薄於喉而衝於口卒以定天下之是非夫今烏睹所謂公論者乎國爛民潰紆弱之氣伏而殫激烈之氣偏而僨誦誦而口相爭則今之游環地而售名筆記開新報館藉以刊著述下之七科舉作劇談者亦不得不卓卓於圓顛方趾之邈則且吳言曰吾不忍談時務實求其不忍之心存之幾何眾不忍之心積之幾何積眾不忍而後大憤出焉憤矣則不平甚不虛甚不明甚藉大不平大不虛明以出萬死不顧一生之計而成其橫決以消數百

沅湘通藝錄卷四

掌故

四三

年積重難返之勢則適有人焉上下審視而爲之錯於至當乃大喞於人曰公論之功也公論之功也不亦大可笑哉觀世所以悲人度人鼓勵人者莫不曰鑒日本學日本強勉黏垸以効維新百度之所不暇爲而爲之則請言維新之始維新之始之無公論日本自藤原氏以來主政六七百載北條足利最偁悖逆德川代興投戈講藝漢學大倡凡爲程朱學陽明學不喜宋儒而自相講學者因史漢以上求經典指斥宋儒空談者其徒六七百人於是日本始有儒臣矣儒臣者武人之背也於是源光國編日本史立將軍傳家臣傳隱寓斥武門尊王室之意矣又慨然慕伯夷之爲人躬行讓國君子於此誓其心之有所激耳繼而蒲生作山陵志寓尊王不

恤緯寓攘夷上書幕府抑鬱以去不復言事至鞭足利氏像以託其憂思矣柳莊著柳子則憤於神聖大統三千三百萬人供極之所歸而不忍有所屈矣高山正之而終其身痛哭以自刃矣自是以後人心大變而後嗚咽流涕向之不得自鳴者乃敢承風而大起有聲幕府之勢遂削弱孤危而不得支外邦若美若俄若英正迭以兵船劫盟攘夷之議沸騰於下毛利慶親父子奉勅始末書齊昭之注意海防及其遺臣二百人宣言攘外夷誅幕吏此其主持尤烈者也刺大老攻使館殺朝臣之事亦勢之所必至似此暴戾恣睢而無恥之國喪心之朝亦不及其什一則謂睦仁上安下全之治得之於此可也當是時也幕府既不能制朝議交患之而癸亥五

月十日猶告列藩以攘夷期幸而內訌披猖敵執竄迫德川氏處心積慮左支右吾實有以痛鎖國之無成也讀海舟勝安芳外交餘勢紀嘉永癸丑以來訂約通商之始末又斷腸記自述更歷世患觸冒危難之險德川氏之苦心亦略見於茲矣夫民苟無思則無怒鬱而不暢是曰大罵囂然有聲氣但欲朝廷之速變法固不關其成不成善不善也師說曰西人得天地義氣中國得天地仁氣日本始於中而中於西者也臨於中而幾於西者也曰閒氣萃數百義烈之士於危急存亡之秋剝刃帶刀而走挾必死之心而大昧國是曰攘夷耳攘夷耳而後德川氏永爲二千餘年不貳之臣而國統之轉續亦絕奇異故曰日本無公論也

維新之後初開議院大隈伯不能止爭端

乃退而散可見日本人心不平甚特其任俠有維新之政不  
氣爲宗國所不能及近人屢言東邦之任以此維新之政不  
忍之心積而懸之耳天也則求之比例於中國焉東漢之末  
寺人專政踐躅冠裳此愚夫愚婦知所痛也於是忠良懷憤  
叫呼闕廷桓帝不省而大考鉤黨名士皆見屠戮漢之爲漢  
其餘幾何熙甯新法之行騷動海內此亦愚夫愚婦知其不  
便者也諸君子言不便者卽被貶斥至易世而章惇蔡卞輩  
猶得操黨議而持其後一轉爲崇甯再轉爲靖康宋之爲宋  
其餘幾何何者俛氣積於下任氣沒於上而民於我莫可誰  
何之念益大放肆如澀諸天之積氣以談陰陽舍諸閃之積  
裔以溯祖祏絕諸愛之積力以施心性西方中世代人無不  
笑而危之而今之鑒日本學日本強勉黏坭以効維新之所  
不暇爲而爲之者籌款愈絀耗款愈多嗟乎趙武靈王變胡  
服而餓死沙邨乎自今以往有以變法之說進者吾且與之  
言士氣有以伸士氣之說進者吾且與之返觀一己之心

說西南洋之華民

長沙

易抱一

今夫以中制外者不若因外制外之爲愈也以寡敵眾者不若聯眾敵眾之較易也中國之在全地球不過數十分之一而欲以抗衡泰西各國不亦戛戛乎其難哉然而其可乘之機其可據之勢有數倍於各國者何也各國之人來中國華民皆視之若仇華民之在外邦各國之人反若相安於無事有如今日之西南洋是矣西南洋環繞中國自昔不與內地相通及康熙時海禁宏開華人出而謀生者無慮數十百萬其間以滿刺加呂宋瓜哇三佛齊蘇門答臘淳泥文萊馬神爲最盛而澳大利亞一島華工亦積至數十萬之多其人類皆曉暢洋文諳悉土語而富商大賈亦且參錯其間間或有

沉湘通藝錄卷四

掌故

星

受土人之欺凌遭異邦之虐政而近今多創立會館互相聯絡外人反有從而羈縻不遑者於是華人之氣漸伸西人之勢頓減矣斯非有可乘之機可據之勢而爲中國振興一大關鍵哉方今新加坡中國已設立總領事凡西南洋一切交涉事件固可據理直爭所惜者無保護之大兵輪分駐之副領事耳往歲南皮尙書督兩廣時曾遣某參將出洋查閱情形去歲閩督邊潤帥亦遣延觀察就各島精詳考問其意皆欲創設戰艦以壯華人之聲援二公可謂洞悉南洋情形乃其事徒託空言迄無成議意者其格於公法所不能耶夫兵船游歷彼既可以來吾豈不可以往則公法斷不能禁予以不設者不設之故毋亦國家經費有未足也嗟乎夫國家卽

經費不足但使能籌創船之費不必患無養船之資蓋養船之資取之數十島之華民夫固綽有餘裕者何者華民之在各島富者十有三四其次亦不至於極貧一旦聞中國設立兵輪游弋保護彼必喜出望外卽諭以常年供稅未有不俯首聽命者尙何慮於經費之未足致憚而不敢爲哉且夫兵輪之設非僅以保護西南洋華民也卽暹緬朝貢之邦固可因而鎮撫而中外藩籬之限更可從而鞏固何也夫西南洋聯絡羣島遮蔽一隅誠扼其形勢而善守之卽夷人妄啟兵端終不敢越雷池一步而沿海諸郡皆晏然無七豎之驚譬若門戶未開而堂奧自得高枕而安臥者也此非因外制外聯眾敵眾之明效大驗哉使不急此圖維而今日遣人訪查明日遣人考問反令外洋聞而生計爲先發制人之謀而且風會消磨不數年而華民將漸忘其本來以甘受其籠絡異日者中國雖欲策而使之而人心已渙散不可收拾矣是非握數十島之利權形勝而拱手以讓之他人哉噫惜矣此有心時事者所以扼腕長歎也夫

夫固綽有餘裕者何者華民之在各島富者十有三四其次亦不至於極貧一旦聞中國設立兵輪游弋保護彼必喜出望外卽諭以常年供稅未有不俯首聽命者尙何慮於經費之未足致憚而不敢爲哉且夫兵輪之設非僅以保護西南洋華民也卽暹緬朝貢之邦固可因而鎮撫而中外藩籬之限更可從而鞏固何也夫西南洋聯絡羣島遮蔽一隅誠扼其形勢而善守之卽夷人妄啟兵端終不敢越雷池一步而沿海諸郡皆晏然無七豎之驚譬若門戶未開而堂奧自得高枕而安臥者也此非因外制外聯眾敵眾之明效大驗哉使不急此圖維而今日遣人訪查明日遣人考問反令外洋聞而生計爲先發制人之謀而且風會消磨不數年而華民將漸忘其本來以甘受其籠絡異日者中國雖欲策而使之而人心已渙散不可收拾矣是非握數十島之利權形勝而拱手以讓之他人哉噫惜矣此有心時事者所以扼腕長歎也夫

說黨

新化 李固松

論黨於今日士民有黨農民有黨工民有黨商民有黨此以  
業爲黨也天學有黨地學有黨法學有黨形學有黨此以事  
爲黨也有君主之黨有民主之黨有君民共主之黨此以國  
爲黨也有求新之黨有守舊之黨有新舊交攻之黨此以政  
爲黨也雖然論黨於今日當以二類爲法卽當以二類爲鑒  
二類者一爲朝代不同之黨一爲意見不同之黨朝代不同  
之黨如英美諸國前相去位各曹長皆易由後代相者自置  
其人以期呼應靈進必羣進退必羣退黨  
與固結常相傾軋皆有前後各相附前相者爲前相之黨附後相者  
爲後相之黨此朝代不同之黨也意見不同之黨如法意諸  
國皆有左右二列附左列者爲左列之黨附右列者爲右列

沅湘道藝錄卷四 掌故

聖

之黨此意見不同之黨也究之前朝之黨有前朝之意見後  
朝之黨有後朝之意見朝代不同之黨卽意見不同之黨二  
類實一類也美改蓄黑奴之政俄改役佃戶之政大弊所在  
合志同方者羣起而廢之大利所在合志同方者羣起而興  
之此黨之可爲法者也法君功敗於垂成掣坡俄君身死於  
非命用黨而黨中散則良法美意相與俱亡疾黨而黨益成  
則千計百慮以遂其意此黨之可爲鑒者也



嗚呼黨之爲禍烈矣中國歷代朋黨之亂人人皆知之矣吾蓋觀今日五洲各國之大局以及君民上下之際而知黨之所該者廣大凡無爭競之端者事靡不成國靡不治非然者其事必敗其國必亡是何也曰天下有一定之公理人心有一徧之私見順其公理泯其私心而後可言與利可言除弊若彼此各懷私見議論不一而黨始成交爭不息而黨益固由是有教黨有學黨有民黨有兵黨有貴族黨有主政黨極言之而諸部之交兵各國之戰爭莫非執一己之私見不守天下之公理皆可以黨之一字該之也今有人焉欲出而平天下各國之黨則必自立五洲之公會始立公會必自通五

沅湘通藝錄卷四

掌故

吳

洲之學術始通學術必自齊五洲之人心始齊人心則必改文字以歸簡易合中西以爲一律而後中西之人農工商賈婦女皆能讀書則其學一者其見同其見同者其謀事亦同由是中西無隔閡之心而交涉之事皆可會通辦理無彼此互爭之端而黨可息矣漸推漸廣而萬國可歸一統雖各守其土而永無戰爭之禍天下之公理出矣此其說雖可行之今日而效則在數十年以後者也其有目前之黨而牢不可破者如中國今日有守舊之黨有圖新之黨有中立之黨紛爭不已迄無定政立宜各破成見和衷共濟而後百事可興中國自強庶有轉機不然當此四鄰窺伺之秋自治不暇焉能戮力一心以禦外侮今者欲平三黨之心莫若先開議

院使彼此意見相合然後凡百事爲可以立辦議院既開亦不能無黨如泰西上下議院嘗見分門別戶動起兵端是設議院亦不能無弊矣又宜先設實學堂教諸生以中西各學使天下之人洞知天下之利害所在而亦以正天下之人心厚天下之風俗庶幾日後選入議院之人無奸人無迂人無妄人矣蓋若輩有一入議院遂足以扞格院中之事未先正其心者鮮不互相黨援而爲自私自利之舉也既一天下之人心而後可以行天下之公理天下之公理既行而後可以定天下之公法由是人與人無黨民與官無黨上與下無黨而國內可以言治矣而黨爭之事安得再見於天下流傳於史冊哉

沅湘通藝錄卷四

掌故

完

而國內可以言治矣而黨爭之事安得再見於天下流傳於史冊哉

說黨

新化鄒代藩

嗚呼才智之士羣生天地之間而各居一室之內其始未嘗不分也而在乎有以合之然求合則其勢益分何也吾求其合而不能盡人而與吾合也不與吾合則必有其所合而勢於是益分矣此黨之所由以成也吾華在漢有鉤黨在唐有牛李之爭在宋有元祐在明有東林漢之鉤黨宋之元祐明之東林皆君子也而卒困於小人唐之牛李李君子而牛小人而更相勝負大抵君子之黨勝國罔不興小人之黨勝國罔不亡則古今之通理也歐陽永叔著朋黨論以爲君子有朋而世主尤惡其說蓋自秦政以來專以渙民羣而張主威爲事二千年於此矣私天下之心愈甚斯防忌亦愈深故其

沅湘通藝錄卷四

掌故

辛

張設法制皆所以愚民而使之不智弱民而使之不强愚民之法焚書與科舉是弱民之法破黨與官制是抑挫鉗拔委頓昏瞶哀哀斯民誠不如生於禹迹之外之猶能自奮也且夫居今之日而欲爲保種保教計則必羣天下才智之士而相與講求養民教民之術如其不然吾華決無有可以自強之一日也然欲以此說倡天下則必有爲異議以持之者使當道謾信其言雖欲加之以誅鋤流放而亦有其罪名則已危矣嗟乎秦政以天下自私而遺禍之酷將至於退孔子而易之以耶穌而當道曾不以爲憂而必不肯使吾華之民智穢黃種而易之以白種而當道曾不以爲懼而必不肯使吾華之民強不其痛哉且往時泰西固嘗亂矣而公會大興於

是有求新之黨有守舊之黨有中立之黨更仆迭起而求新  
幸而終勝凡今泰西之所以治強者以當日求新黨之終勝  
也而如英如日君益以安富尊榮然則有天下者誠何惡於  
黨哉夫使羣天下才智之士而日求所以養民教民者而幸  
而爲當道之所保持毋使持異議者得以中傷於其後則吾  
華之興庶可計日而望而苟同斯志者益不宜區州界郡畫  
位分名而終不合之於一也

沅湘通藝錄卷四

掌故

三

土耳其以債貧日本以債富同一債也而一利一不利其故何哉夫土人借債以用兵僅以供火藥彈丸之一擲倭人借債以興利遂開強兵富國之大源此其已然之成迹夫人而知之然使俄土之戰土人勝俄必責令俄人割地賠費爲城下之盟而還借債有限而獲利無窮安見土人之不以債興乎西國一千八百六十九年日本在倫敦借英銀一百萬磅以之創造鐵路顯開利源實隱萌異志使我中國發其奸謀遣一旅之師渡海而東以是時名臣宿將之力必能戰則勝攻則取而日本將覆亡之不暇亦安在其能自強乎是則土以借債貧土之不幸也而其源則在國素貧而益之以債也倭以借債富倭之幸也而其源則在廣興利益而中國又優容之也然則國債固孤注之術而非老成謀國者所敢出乎曰不然量國家之力而慎出之則債雖多而國計無傷邇者中國屢借洋債受奸邪之欺弄亦已不少然而債雖多而不至甚貧者以不若土耳其之不量力也債雖多而不能致富者以不若日本之能興利也今者創鉅痛深競欲以西法治中國然鐵路海軍動需鉅萬戶庫無以應付海關不勝取求捐輸徒濫名器開礦先需貲本國債之借亦時勢之不得不然者歟但今日之中國非民不足之患而國不足之患民不足借債他國可也不必坐以待弊也國不足借債吾民可也不必自啟漏卮也鑒土之貧效倭之富必量入以爲出不行

險以傲幸是則國債之要義歟是則國債之要義歟

沅湘通藝錄卷四

掌故

三

理財之道不重節流而重開源說

劉善福

劉善福

今夫乘至庫頁島南至崖州西至喀什噶爾北至興安嶺各省之幅員非不長也雲南多銅山西多鐵熱河多金開平多煤各省之菁華非不富也然中國猶財用日賈利源日竭者何也則以理財之法猶未善也古者禹貢爲生財之祖周官著理財之書降及後世開源之法遂廢經營紛擾兵燹所及欲求富而富卒不可求欲致饒而饒卒不可致是財源之匱固非近代始其所由來者漸矣近三十年以來大亂方平閭閻困乏國庫空虛於理財尤爲急務夫生財之道有天地自然之利有人工器物所致之利有人事權衡所得之利曷爲天地自然之利也蓋在山在水在陸皆爲利源如開礦於山則五金之利出而煤又其餘事也至於種棉種茶種雜木地氣溫緩無不可多獲其利爲上者果多方獎勵則稅項可增此在山之財源也在陸者如蠶桑之類中國更爲要著苟隨地布種則在陸之利源無窮矣在水或魚鹽之利或蚌蛤之利或貨寶之利中國又多於英俄日本之邦是在畱心經制者公其利於民無使豪強者獨據此在水之財源也非天地自然之利耶何謂人工器物之利也英國之財由於通商製造機器數大源英國由他國運來材料製造成物復運往他國出售源既開而財日益宜其大富大強天下莫與京也豈若中國各謀各業不立股份公司乎中國果於水道輪船載貨駛行凡遇陸地開通鐵路火車運行而火車駐輪之地宜

於橫路多備馬車駁貨分送各路如輪船之有駁船也開輪船火車之利源非節流之可比者彰彰矣至廣東各處水患鑿山通道以引水歸海則數十縣之田永不憂淹浸不至田賦停收此雖人功甚苦而獲益甚大且兵燹之後各處荒田寥闕祇緣道遠賊多軍人耕種果能遠招人民開闢耕種何利如之曷爲大事權衡之財夫藏金於積而不用則金與木石何異善用之則得財無窮故今之官長亦有知效朱子社倉之遺意杜安石青苗之狂法者此皆開源之道也況中國自軍興以來開捐納之門設抽釐之廠致使捐納愈多人才愈少所以庸劣之徒每至虧空國庫侵蝕公項甚或浮開兵餉橫取諸民以充囊橐苟革除捐納之例諭令各省停捐甚盛事也惟是釐金各局雖能暫救國用之支絀奈司事人役每多冗濫暗侵公項以肥己囊且貽害商民滯消貨物陸續裁撤實不能無望於當道者若僅謂酬神建醮雜演梨園費金千百計道士僧尼求神誦咒虛費錢財以及妓館酒樓妻妾之奢華飲食之侈靡而節之不幾爲開源者所竊笑耶查泰西理財之道其開源之法亦甚多焉如美國栽種之棉花來中國者源源不竭其財不言而知雖西國地氣多寒而因乎天時合乎地利所以稻麥不憂其缺而畜牧牛羊較中國亦生息日繁且工作器皿日出奇巧而出則開礦以取五金煤炭之財水則魚鹽貨寶取之亦有其方此西國開源之法也安得懂理國財者一二輩有以開財之源不徒有以節財



之流不讓西人以獨富也悲夫

沈湘通藝錄卷四

掌故

美

擬自造各種機器遏洋貨利權議

劉陽 唐才常

鴉片迂拘之士動目機器爲淫巧曰無益民用不知機器者天之假手西人將宏腦氣之用於地球而積阿屯姆力以開新運者也雖聖人復生亦當因其自然而利道之以予民自存之業豈能隨世俗傲很之習如西士所謂沛根人者哉西人以機器與利華人但痛恨機器而用則洋錢服則洋布一切鐘表玩好之具無一非洋而不問其自出爲何物是曰頑種無怪外洋一二不費工力之機器撥取中國之元氣殆盡而中國方濃睡未醒也其好爲大言者曰是但閉關謝使令其勿來已耳嗚呼以子陽井中之見咫尺不覩迅雷不聞而惟力遏開利源操利權之機器勿使中國有富強之會誰之

沅湘通藝錄卷四

掌故

五

咎歟誰之咎歟則至今日而欲通其血輪宏其漲力攝力誠非自造各種機器不可而議者曰機器以水火之力代人力如用機器則人力將無所施而此千萬食力之民必盡爲游手以亂天下不思機器局一開則人益不患無職業方今湖北設有織造局而傭力其中者二三千人假以二三千人分作他工正不知凍餒幾何矣夫德國克虜伯廠每歲工匠約五六萬人餘廠亦不下二三萬人如各省及州縣皆設此局則人豈有凍餒者況礦務農務商務次第畢舉在在需人夫何至舍業以嬉耶議者曰中國自造機器終不如西人之巧恐事事落其後塵徒見嗤耳是則不然昔者西國政學多源埃希而埃希反瞠乎其後百年來英法德意輒相師法而機

巧日競而日新近日日人又步武西人二十餘年稱雄亞東  
前五月英肆撥歌達報論日本云彼新興之乖巧慎密疾速  
以顯其幹才者且將以十萬人跳刀拍張於大海中我歐洲  
第一善戰之國尚恐無能相匹英報  
如是則知日執鳴張英人亦畏之矣  
青出於藍而勝於藍冰  
生於水而寒於水安見中國之心思才力遠出西人下耶議  
者曰中國自造機器洵可奪外洋之利如外洋又賤價爭售  
將奈何是又不然外洋人工甚貴必不能過賤其值中國物  
力並賤如推行既廣自可日賤其值以爭洋貨之權矣議者  
曰中國官商不相信此時必難集商民之股而踴躍以成然  
中國如果鐵政民廠郵政一一施行安在斯民不知其利而  
不思所以挽回之況今日本已有遍地設機器之條款而西  
人動以利益均霑爲詞則將來遍中國皆外洋機器不十年  
間無可措手矣是以自造機器之急於燎原也一言以蔽之  
曰機器廣斯愛力綿愛力綿斯國力固國力固斯漲力攝力  
足以離吸各國而毋爲所蝕

沅湘通藝錄卷四

掌故

五

治今日之天下而謂不急於理財者此妄人也夫財者天之  
所生地之所產民之所以養也匹夫無財則不能有其家天  
子無財則不能有其天下故財者聖王所以養賢聚民畜眾  
而致天下於乂安者也第昔時之財恆有餘今日之財恆不  
足其故何哉或曰後世幅員日廣道路之轉輸有費官吏之  
徵調有費以及一切陋規指不勝數此其所以不足也或又  
曰直省州縣產銀者不及十之一不產銀者十之九而農桑  
之利鹽課權酷之利近又率多虛耗折減此其所以不足也  
而不盡然何則外洋各國自來以製造爲本務盡納稅於貨  
而寓兵於商也其未與中國通商之始割疆自守不相往來

沉湘通藝錄卷四 學政

五

今則雲集者各商流通者百貨華人多購用其物故洋人得  
以擅利權而中國出洋之貨雖絲茶爲最大宗然今印度等  
處皆植桑茶所出與中國相仿故年來中土之貨未能銷暢  
此國之財竟滔滔而去彼國之利不源源而來莫塞漏卮久  
將坐困非理財之道也然則計安出曰洋人所恃者機器其  
平日講求有曰天學地學算學兵學化學礦學重學汽學電  
學光學諸門凡此皆機器所由造而貨之所以巧奪天工而  
不勞人力者夫外人亦猶是心耳以彼僻居海島其聰明才  
力尙足窮極巧妙豈華人受天地中氣以生獨難殫精竭慮  
超乎彼之所爲有是理乎奈之何其不自樹立也且夫今之  
持論者其以洋商爲不可通蓋比比矣蒙則以爲不必禁八



中國以銀錢購槍礮船隻與興鐵路礦務學校耕農之事孰  
爲有益論  
武陵 吳友炎

嘗攷各國富強之效兵商皆聯爲一氣而每歲度支無一不  
取償於中國竊歎我中國之坐受其困窮無人焉計其利害  
而爲之防也今之籌防者吾知之矣以中日和議已成海軍  
衙門首當規復每多用銀錢以購取槍礮船隻爲善後事宜  
未始非自強之策乃或者以償日人兵費二百兆元氣大傷  
非廣貸民債洋款勢不能行甚欲賣新疆於俄賣西藏於英  
以了清二百兆之款而復並滿洲蒙古等處邊地售之以備  
置槍購船之用斯策也是未戰而先自蹙其國也奚可哉中  
國講求洋務四五十年來槍礮船隻非不堅利也而前挫於

沉湘通藝錄卷四

掌故

空

英法今辱於日本毫無成效者豈盡購諸外洋多侵墨於委  
員抑或受欺於洋廠歟蓋徒窺西洋之糟粕而未探西人之  
本原知中國所應辦之端而不爲中國謀久遠之計猶之不  
清其源而欲冀流之澄不培其根而欲望葉之茂有是理乎  
誠能於鐵路礦務學校耕農數大端一一而振興之匪惟泰  
西五六國不敢生其窺伺卽各日通商歲所流去之六七千  
萬銀錢可頓使其利不外散權自我操其視以銀錢購槍礮  
船隻者果孰爲有益哉請詳論之夫可縮萬里爲咫尺合旬  
月於晝夜便於運兵便於運械便於賑荒便於漕運便於百  
司走集便於士庶通學便於商賈運貨便於負擔謀生便於  
通言語一風俗有此數益又不費

國帑令民幫築西人計之其牌費可得七千萬且可移民出於邊塞而荒地闢爲腴壤商貨溢於境外而窮閭化爲富民俄人瑋春鐵路將成邊患更迫若爲防邊尤當亟築況可得巨款哉且可裁漕運而省千萬之需去驛鋪而溢三百萬之項此鐵路之爲有益者也若夫美人以開金銀之礦富甲四海英人以開煤鐵之礦雄視五洲其餘各國開礦均富十倍而藏富於地中國爲最如雲南銅錫山西貴州煤鐵湖廣江西銅鉛鉛煤山東湖北鉛四川銅錫煤鐵其最著者互古封禁留待今日方今

國計日蹙雖極節儉豈能濟此艱難哉家有重寶而仰屋嗟貧無策甚矣山西煤鐵尤盛星羅棋布有百三十萬方里苗

沉湘通藝錄卷四

掌故

奎

皆平衍品亦上上德人以爲甲於五洲地球用之千年不盡又蒙古之金礦失於俄雲南之銅礦借於法皆爲他人所竊取誠能乘時大興礦務購機器以省人工築鐵路以省轉運此又礦務之爲有益者也更徵其益於學校近年詞臣潘衍桐請開藝學今宜令各省州縣徧開藝學書院凡天文地礦醫律光重電化機器武備駕駛分立學堂而測量圖繪語言文字皆學之選學童十五歲以上入堂學習延師教習各有專門學政有司會同院師試之以專門之業通半中選不限名額得薦於省謂之秀才比之諸生五年不成者出學省學書器益多聞見益廣學政督撫會同其院師每歲試其專門之業通半中選不限名額貢於

京師謂之舉人五年不成者出學

京師廣延各學教習圖器尤盛每歲總裁禮部會同大教習試之其法與省學同不限名次及半中選謂之進士三年不成者出學其進士得還爲州縣藝學總教習其舉人得爲教習並聽人聘用其諸生得還教其鄉學塾及充作各廠總辦殿試策問不論楷法有能創著一書發明新義確實有用者皆入翰林如是則天下之士才智大開奔走鼓舞以恭待其錄用則其才有不可勝用者矣且徵其益於耕農我

皇上躬耕

皇后親蠶重勸至矣而田畷之官未立土化之學不進北方則苦水利不闢物產無多南方則思生齒日繁地勢有限遇

沈湘通藝錄卷四

掌故

三

水旱不時流離溝壑尤可哀痛亟宜思良法以救之外國講求樹藝城邑聚落皆有農學會察土質辦物宜入會則凡百穀花木果疏牛羊皆比其優劣而旌其異等田樣各等機器車各式農夫人人可以講求鳥糞可以肥培壅電氣可以速長成沸湯可以暖地脈玻璃罩可以禦寒氣刈禾則一人可兼數百工播種則一日可以成三百畝擇種一粒可收一萬八百粒千粒可食人一歲二畝可養人一家吾中國地大物博宜命使者譯其農書徧于城鎮設爲農會督以農官農人力

薄

國家助之比較則棄楛而從良鼓舞則用新而去舊農利自普矣凡此四者皆視購槍礮船隻爲有益者也何當時之經



世者昧其緩急之用哉

沅湘通藝錄卷四

學故

畜

有益論

武陵戴丹誠

中國以銀錢購槍礮船隻與鐵路礦務學校耕農之事孰爲  
鳴岸中國今日之貧非貧於通商漏卮也在於利源未開而  
已利源未開而徒駸駸以購槍礮船隻爲急歲輸巨款於外  
洋而適得窳敗不合用之物一旦有急等於鳥有復圖外購  
器未得而中國之財力已竭外夷之狡謀更生此非欲圖強  
而適以爲弱乎然船械之精實以西人所造爲最人既挾其  
器以侮我我豈可不效其法以制之效其法以相制必先開  
利源以固其國本而後師其藝以嚴其防斯有益而無弊矣  
利源之開厥端有四一曰農政夫中國地大物博遠過外洋  
但講求未能精耳漠北荒寒苦少水利南省膏腴而地狹人

沉湘通藝錄卷四

學古

五

滿復水旱兼憂今欲蒸民粒食可不亟思補救之方哉思補  
救之方非仿泰西設立農部建置農會考察土宜用鳥糞以  
肥培壅用電氣以速長成沸湯以暖地脈玻璃罩以禦寒氣諸  
法不可仿此諸法而事行有效得不變瘠土爲沃壤轉歉歲  
爲豐年哉且植茶養蠶皆足補田畝歲收之失亦農民所宜  
講往年絲茶出口爲中國獨擅之利近日法意日本印度錫  
蘭等處講求植茶養蠶之術日益精詳中國利權將盡爲所  
奪而小民當不聊生矣此農政宜講者一二曰礦務中國礦  
產無處無之雲南之銅錫山西貴州之煤鐵湖廣江西之銅  
鐵鉛錫煤山東之鉛四川之銅鉛煤鐵其苗最旺奈何封禁  
閉藏棄富於地竟不大爲開採哉夫美以金銀之礦富甲四

海英以煤鐵之礦雄視五洲此非開礦之明效大驗乎是礦務之宜行者二三曰學校夫中國學校林立然皆習尚虛文未求實事此士風所以日下也西人之學非僅在文字間也所稱之士亦非僅於搢紳也凡農工商賈莫不有學各習一藝必得一藝之用幼致力於此終身必以此類之事授之故能研究入微弊端難生中國之士學無專門所用非所習所習非所用一旦受當大任豈能事事皆宜哉苟欲振興人材必將學校之制略加變通凡士農工商皆令人學其精於此者卽以此事之利與之自能人材輩出而造槍礮船之技不致借助異域矣雖一時暫耗經費而實足以塞無形之漏卮也此學校宜振者三四曰鐵路夫海禁既開萬難閉關而治不能閉關不得不以商爲謀振興商務不得不先造鐵路昔美國初立商務未興及造鐵路遠商輻輳物產雲集商務大振不特此也且中國漕運之艱驛站之繁有鐵路而諸費皆無其獲益豈有已乎此鐵路宜造者四也舉此四端而中國之本已固其較歲輸巨款於外洋以購贏數不合用之船礮之弊不爲得哉

沉湘通藝錄卷四

掌故

六六

有鐵路始可廣言開墾說

衡山 趙而霖

自昔井田不得行限田不能行官田不可行一變而墾荒田未始非富強一大轉機也隋文帝時天下均田千九百四十萬頃令民開墾大業中遂有五千五百八十五萬頃明初山東河南多無人之地洪武中詔有能開墾者卽爲己業正統中流民聚居詔令占籍若歲荒而招墾者如漢武時山東水災賑粟不足徙民七十餘萬口假予產業數年之間饒土咸變沃壤湖廣至今米賤賦輕亦明太祖招墾之力故遺利至今五百年勿替

本朝嘗因八旗人眾於乾隆中分撥拉林地方給田墾種享利甚厚至道光二年五年墾熟之地已三十餘萬畝嘉慶季

沉湘通藝錄卷四

掌故

李

年吉林將軍富俊請設三屯於雙城堡道光三年松筠繼爲將軍請開養什牧及大凌河馬廠卒以地方寫遠人煙稀少招墾之民常不願往當事者遂罷議不果行不亦甚可惜哉今夫設網而引其綱則千目皆張振裘而挈其領則萬毛自整事豈有難易哉所務先耳車無三寸之轄則不可馳門無五寸之榷則不可閉材豈論鉅細哉所居要耳然則欲廣開墾則自有鐵路始鐵路之設原議由漢口至蘆溝橋中厯信陽鄭許渡河三晉之轍下於井陘關隴之驂交於洛口萬里奔湊如川赴壑荒蕪之地易於綜核其利一也由南至北二千餘里原野廣漠編戶散處無主之田甚多開墾若勤易於致富其利二也幹路表遠廠站盛多雖曠野之鄉人貨亦易

輻輳無業之民易於招集其利三也汴洛荆襄濟東淮泗經緯縱橫各省旁通穀米易於轉運其利四也鄉中小民最畏遠出長途遷徙易生退心火車朝發夕至千里猶戶庭耳其利五也食力小民行資難措遠出開墾需費尤多火車行速而費省其利六也鐵路公司集資既易卽以車運之贏餘作開墾之用費其利八也林文忠輯西北水利備采宋元明以來何承矩等數十家言大指言西北可種稻東南可減漕鐵路行有成效漸次通至西北異日稻麥之利可操左券其利九也近日北邊防務最關緊要卽以開墾之民實我邊地顯之爲吾民大啟生機隱之使俄人潛消覬覦其利十也今中國患財力之不足豈非山澤之利未盡開而游惰之民未盡歸農乎

沉湘通藝錄卷四

掌故

六

國家休養生息二百餘年生齒數倍乾嘉時而生穀之土不加關於是有受其飢者矣英吉利千數百里國耳惟能涉重洋不遠萬里墾田拓土益致富強矧高山以爲城大海以爲池田肥美民殷富雄峙東南幅員萬里天府之國久推中華何物西人不難駕而上之哉

書薛叔耘先生出使四國日記後

善化 汪都良

近二十年間中國使臣於曾惠敏而外其著書足以傳之後世者非惟我薛叔耘先生爲首屈一指哉先生躬歷四大國當時交涉法之越南已定俄之伊犁已還似較惠敏爲獨易然吾讀其書每低首下心有不憚再三玩索者則以其論最中中西之竅要使人人皆得其旨交涉事不足言矣今卽出使日記而臚其大畧如論約章則以一國獲利各國均霑之語爲大弊擬照赫德之議訂各國通商約本另設一漢文條約底式凡有外國訂約者卽按通行之約以授之庶可存其名而去其實又以洋人在中國不歸中國管理爲大弊而欲照美國新約定一通行之訊法通行之罪名將不用中法卽

沅湘通藝錄卷四

掌故

究

專用洋法庶以洋法治華人使華人避重就輕以洋法治洋人卽洋人難逃法外此約章之要議也論商政則以販運之利藝植之利製造之利爲三大端論商務則謂英國進口之貨稅較出口倍重而本國之船鈔比他國稍廉最便商家而暢銷路而必於中國自有之利思以擴之西人獨攬之利思以分之論利權則以免釐金加洋稅爲防更防以統關之說進而謂抽釐則利權在我加稅則利權在彼論船政則謂洋廠購船之價較廉於華廠造船之價今欲興船政必興廠務俾船價與外洋相等欲謀持久尤必經營商務俾用船與外洋相等商船旣多則入廠修船者迭至而不窮而租船造船之事皆事所必有他日由一廠分爲數廠而公家之帑項可

毋甚費且商船既盛而兵船不患無養船之資又如論鄰交謂日本數歲之中一入臺灣再議朝鮮三廢琉球今其兵船且游歷至福建彼蓋自以爲富強之術遠勝中國故欲迫中國以難堪使我怒而起釁彼乃得一試其技幸而獲勝彼固可任其取求萬一不勝彼恃西人爲排解決無虧損於其國今觀馬關議款何其燭事之如神也論敵情謂天下強鄰皆有獨親獨厚之國然後可爲依倚凡英法相親以拒俄俄德相親以制法德奧相親以主歐東之政彼其先未始非仇敵也一旦釋怨修好則一國順而全局爲之轉移中國與美有相助之約則美可親與俄爲最舊之交則俄可親其他若英若德若法苟可結納均宜因勢而導之相機而赴之而此中

沉湘通藝錄卷四

掌故

三

得失則以識彼性情爲樞紐凡此數者非深識中西交關之至理者夫誰道之又況所重在探西國富強之本源不事富強之糟粕凡四國之山川地理製造船械既一一講明而切究之而尤於西邦之政治教化學術風俗必詳爲紀載耶方今出使之需才日急又添遊歷人員以爲窺探彼國情勢之計且自疆臣以下至士人莫不講求交接之道意見百出嗟然不能休而先生之書具在當事者苟有意時政其可以取而見諸施行耶其猶有滯礙而未能盡得其道耶故畧論其大旨以質世之能究心先生之書者

沈湘通藝錄卷四 掌故 三

嘗論中華大勢法國占據安南之胥江及南天省既與我廣西雲南貴州之邊境毗連英國占據五印度既與我雲南四川之邊境毗連俄國會染指新疆聯絡回部已與甘肅陝西之邊境毗連其占據黑龍江以北者又與我盛京等處邊境毗連至東南七省之逼近海洋爲洋船所可朝發夕至者更無論已然則當時之承乏遠使者而欲增光上國不綦難哉惟吾湘曾惠敏公少治形聲訓詁之學及長舉所知雙聲疊韻音和顛隔之術試取泰西字母切音之法辨其出入遂能解英國語言文字其承襲來京也日與英國梅輝立璧利南縱談中外大事又與積學之士英則艾約瑟德約翰美則丁

沅湘通藝錄卷四

掌故

七

韋良訂交中西學術之源流貫通公蓋獨得其秘矣或者不察因其崇尚譏以用夷變夏亦未得管窺其學耳今舉金軻籌筆覽之當其初往法也卽堅以泰西男女同席宴會之例爲不可非據禮以爭哉其所辦交涉則如巴西之招工香港西貢之設領事洋藥之釐稅並徵美人之欲開通印度與西藏通商諸大務皆悉心籌畫侃侃而談務存中國大體不爲西人所攝其尤難者以出使英法復派往俄承崇地山之後必欲將已押未行之約廢而不用事之難成誰不逆觀況英俄兩大相競猜疑滋中俄交涉事件稍有不順俄人則曰此英國之唆聳也公適以駐英使者前赴俄都非較他人更難以立辭耶乃一授全權以後詰難數十萬言伊犁雖未全





大凡爲吏莫不欲清訟然欲清訟而訟愈不清者則以不知嚴其所當嚴而治其所當治耳蓋小民之興訟拋棄本業延誤歲時本不甚願也乃或一朝之忿遽欲興訟苟有人焉以勸挽之則渙然冰釋矣無如訟師太多始則誘之謂我代爾作詞則可以信爾之冤出爾之氣且不取爾財物也迨其既信則恐嚇之而使之不敢不出錢欺詐之把持之而使之不能不出錢既得其錢則弄其刀筆捏詞誣控詢左右鄰近之殷實者則株連之羅織之必使無辜之民含冤而莫白至差役下鄉則又串通蠹役使之或乘騎或騎馬而小民則畏官之威而莫敢斥其非也或要銀錢或姦婦女而小民則懼官之勢而莫敢顯與抗也迨被告訴紙而房科則勒鈔詞費門工則勒取保費不與者必遭私押既押之後而老犯則索火件費禁卒與監獄則索進籠費苟或不與則必遭老犯之蹂躪而一息難安嬰監獄之桎梏而數月莫解而堂上者猶懵懵不知方以爲未送案也而不知小民之家室已蕩然矣嗟乎非訟師之唆何至於此然此猶其小焉者也其或事關重大如命盜姦拐之類其人或與訟師有姻或與訟師以賄而訟師則從中主撥命件則齟齬他人而無辜受累雖有精明之有司而莫能廉其情也盜案則誣扳窩戶而使良民受害雖有強幹之官府亦無由知其詐也姦案則誣及仗義之人幾欲使黑白而莫分也拐案則誣以悔昏欲使邪正之莫能



